

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-28783/25
Sarajevo, 21.1.2026. godine

Na osnovu člana 64. stav (1) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj: 02/12-04-21075/24 od 23.08.2024. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu javne nabavke – Izgradnja pumpne stanice "HIDROFLEX postrojenje" za ulicu Kralja Stjepana Tomaševića

I

Okvirni sporazum u postupku javne nabavke - Izgradnja pumpne stanice "HIDROFLEX postrojenje" za ulicu Kralja Stjepana Tomaševića, broj obavještenja 422-1-3-213-3-283/25, objavljeno na Portalu javnih nabavki dana 23.12.2025. godine i "Službenom glasniku BiH- Oglasnik javne nabavke" br. 78/25 od 26.12.2025. godine, dodjeljuje se ponuđaču „Mibral“ d.o.o. Sarajevo sa ponudom u iznosu od 410.005,86 KM bez PDV-a, odnosno 479.706,86 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz tačke I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-28783/25 od 23.12.2025.godine Općina Novi Grad Sarajevo pokrenula je otvoreni postupak javne nabavke - Izgradnja pumpne stanice "HIDROFLEX postrojenje" za ulicu Kralja Stjepana Tomaševića, broj obavještenja 422-1-3-213-3-283/25, objavljeno na Portalu javnih nabavki dana 23.12.2025. godine i "Službenom glasniku BiH- Oglasnik javne nabavke" br. 78/25 od 26.12.2025. godine. Procijenjena vrijednost nabavke shodno Odluci je 410.256,41 KM bez PDV-a, odnosno 480.000,00 KM sa PDV-om.

Zapisnikom o otvaranju ponuda od 13.1.2026. godine Komisija je konstatovala da su u predviđenom roku, u propisno upakovanim kovertama, pristigle dvije (2) ponude ponuđača:

1. „Mibral“ d.o.o. Sarajevo sa ponuđenom cijenom za okvirni sporazum u iznosu od 410.005,86 KM bez PDV-a,
2. „Unioninvest“ d.d. Sarajevo sa ponuđenom cijenom za okvirni sporazum u iznosu od 410.014,88 KM bez PDV-a

Zapisnik sa otvaranja ponuda dostavljen je ponuđačima na fax u zakonom predviđenom roku.

Komisija je pristupila analizi i ocjeni ponuda u skladu sa uslovima iz tenderske dokumentacije. Komisija je utvrdila da ponuda ponuđača "Unioninvest" d.d. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (d) tehnička i profesionalna sposobnost - da je ponuđač opremljen neophodnom mehanizacijom i opremom za obavljanje predmetnih radova: kamion (kipar - samoistovarivač) do 8 t nosivosti - 2 kom., mašina za iskop do 8 t - 1 kom., bager od 15 - 20 t - 1 kom., vibro ploča od 200 kg - 150 kg - 1 kom., valjak od 2t - 6t - 1 kom., oprema - alat za montažu vodovodnih cijevi i tlačno ispitivanje - 1 kom., vibro nabijač skakavac - 1 kom., sjekačica za asfalt - 1 kom.

Tačkom 3.4.2. (e) propisano je da se navedeno dokazuje na sljedeći način: kao dokaz o obezbjeđenosti opreme i mehanizacije neophodne za obavljanje predmetnih radova se dostavlja izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme (original ili ovjerena kopija), za kamione se dostavlja ovjerena kopija važeće saobraćajne dozvole; a za radne mašine ovjerena kopija važeće saobraćajne ili upotrebne dozvole. Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje (original ili ovjerena kopija).

Uvidom u dostavljenu ponudu ponuđača "Unioninvest" d.d. Sarajevo konstatovano je da je:

- na stranici 62. ponuđač je dostavio ugovor potpisan između Polet d.o.o. Ilijaš i Unioninvest d.d. Sarajevo o najmu mehanizacije i opreme za slijedeću mehanizaciju i opremu: kamion (kipar-samoistovarivač) do 8t nosivosti - 2 kom., mašina za iskop do 8 t - 1 kom., valjak od 2t do 6t - 1 kom., vibro nabijač skakavac - 1 kom., sjekačica za asfalt - 1 kom. U ugovoru je navedeno da je Zajmodavac dužan dostaviti dokaze o vlasništvu, odnosno ovjerene kopije važećih saobraćajnih dozvola ili upotrebni dozvola, te izvod iz osnovnih sredstava za vibro ploču, sa označenom pozicijom navedene opreme. Na stranicama 63-64 dostavljena je Lista - Amortizacija I-XII-2025 firme Polet d.o.o. Ilijaš gdje je označeno šest pozicija. Na stranici 65 ponude priložena je ovjerena kopija važeće saobraćajne dozvole za kamion kiper nosivosti 11,79 t (traženo do 8 t nosivosti tenderskom dokumentacijom) registrovana na Polet d.o.o. Ilijaš do 04.09.2026. godine. Za ostalu mehanizaciju navedenu u ugovoru o najmu nisu dostavljene niti saobraćajne dozvole niti upotrebne dozvole.
- na stranici 66 ponude ponuđač je dostavio ugovor potpisan između TOP TIM TRI d.o.o. i Unioninvest d.d. Sarajevo o najmu mehanizacije i opreme za bager CASSE mase 22,4 t - 1 kom., za šta je i dostavljena upotrebna dozvola na stranici broj 67. Tenderskom dokumentacijom je tražen bager od 15 t - 20 t.

Iz naprijed navedenog razloga utvrđeno je da ponuđač "Unioninvest" d.d. Sarajevo ne ispunjava uslove tražene u tenderskoj dokumentaciji iz tačke 3.4.1. (d) - tehnička i profesionalna sposobnost, odnosno da je ponuda ponuđača nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je nadalje utvrdila da dostavljena ponuda ponuđača "Mibral" d.o.o. Sarajevo ispunjava formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponude, te utvrdila da je dostavljena ponuda računski ispravna.

Nakon što je Komisija utvrdila da je dostavljena jedna prihvatljiva ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 3. stav (3) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama BiH.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić / sekretar komisije



DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova



Općinski načelnik
mr. Semir Efendić
Semir